



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13, 89/16 i 5/22) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08 i 5/22), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2020. GODINU NARODNE STRANKE ZA GRAHOVO

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole.....	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Narodne stranke za Grahovo za 2020. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2020. godine, utvrđeno je da je Narodna stranka za Grahovo prekršila odredbe člana 4. stav (1) i člana 12. stav (4) i stav (5) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Narodne stranke za Grahovo za 2020. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Narodna stranka za Grahovo je ostvarila prihode, što se vidi iz sljedeće tabele¹:

R/B	Izvori finansiranja	Iznos (KM)	Struktura (%)
1.	Članarina	520,00	100,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	520,00	100,00
II	Ostali prihodi i drugo	0,00	0,00
	Izvori finansiranja (I+II)	520,00	100,00

U godišnjem finansijskom izvještaju za 2020. godinu Narodna stranka za Grahovo je iskazala rashode u iznosu od 545,00 KM².

2. PREDSTAVLJANJE POLITIČKE STRANKE

Naziv političke stranke: Narodna stranka za Grahovo. Skraćeni naziv: NSG.

Narodna stranka za Grahovo registrovana je kod Općinskog suda u Livnu rješenjem broj: 068-0-F1-16-000-003 od 20.04.2016. godine.

Sjedište političke stranke je u Bosanskom Grahovu, Gavrića Principa bb.

Ovlašteno lice za predstavljanje i zastupanje stranke je Bojan Marinković, predsjednik stranke.³

Lice ovlašteno za podnošenje finansijskih izvještaja za 2020. godinu je, takođe, Bojan Marinković.

Prema podacima iz godišnjeg finansijskog izvještaja za 2020. godinu, Narodna stranka za Grahovo nema niže nivoe organizovanja.

¹ U Godišnjem obračunu za 2020. godinu Narodna stranka za Grahovo je iskazala ukupne prihode u iznosu od 2.530,00 KM.

² U Godišnjem obračunu za 2020. godinu Narodna stranka za Grahovo je iskazala ukupne rashode u iznosu od 2.553,00 KM.

³ Rješenjem Općinskog suda u Livnu, broj: 068-0-F1-20-000 001 od 12.02.2020. godine, došlo je do promjene osobe ovlaštene za predstavljanje i zastupanje stranke, pa je dužnosti razriješen Siniša Bilbija, a imenovan Bojan Marinković.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Narodne stranke za Grahovo za 2020. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Narodne stranke za Grahovo obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled godišnjih finansijskih izvještaja Narodne stranke za Grahovo za period od 2016. do 2019. godine.

Nakon obavljenog pregleda godišnjeg finansijskog izvještaja za 2019. godinu izdat je izvještaj o pregledu sa mišljenjem revizora, nalazima i preporukama stranci da vodi poslovne knjige i podnosi finansijske izvještaje u skladu sa računovodstvenim propisima, odnosno da vodi potpune evidencije o obavezama, da finansijske izvještaje koje podnosi Centralnoj izbornoj komisiji Bosne i Hercegovine dostavlja u zakonom utvrđenom roku i popunjava na način utvrđen Pravilnikom o godišnjim finansijskim izvještajima političkih stranaka i da podnosi dodatne izvještaje koje Centralna izborna komisija BiH zatraži.

Nerealizovane preporuke:

Na osnovu uočenih nedostataka u godišnjem finansijskom izvještaju za 2020. godinu, utvrđeno je da politička stranka nije ispoštovala preporuke revizije.

5. NALAZI I PREPORUKE

5.1. NALAZI

(1) Narodna stranka za Grahovo prekršila je odredbe člana 4. stav (1) Zakona o finansiranju političkih stranaka.

Narodna stranka za Grahovo je sredstva stranke utrošila bez donesenog programa utroška sredstava za 2020. godinu, čime je prekršila odredbe člana 4. stav (1) Zakona o finansiranju političkih stranaka.

Uvidom u raspoloživu dokumentaciju utvrđeno je da stranka Program utroška sredstava za 2020. godinu dostavila uz dodatnu dokumentaciju dana 13.12.2021. godine, a datum njegovog donošenja je 06.12.2021. godine, te isti nije uzet u razmatranje.

Prema podacima iz Godišnjeg obračuna za 2020. godinu - Bilans uspjeha, ukupni rashodi političke stranke u 2020. godini iznosili su 2.553,00 KM.

(2) Narodna stranka za Grahovo prekršila je odredbe člana 12. stav (4) i stav (5) Zakona o finansiranju političkih stranaka.

Pregledom godišnjeg finansijskog izvještaja za 2020. godinu, utvrđeno je da Narodna stranka za Grahovo nije godišnji finansijski izvještaj popunila u skladu sa Pravilnikom o godišnjim

finansijskim izvještajima političkih stranaka („Službeni glasnik BiH“ br. 96/13 i 89/16)-u daljem tekstu: Pravilnik i nije dostavila dodatnu dokumentaciju, čime je prekršila odredbe člana 12. stav (4) i stav (5) Zakona o finansiranju političkih stranaka.

(1) Narodna stranka za Grahovo nije u godišnjem finansijskom izvještaju pravilno iskazala podatke o transakcionim računima, čime je prekršila odredbe člana 11. Pravilnika.

- Stranka nije u obrascu 2 (pregled prometa svih transakcionih računa) godišnjeg finansijskog izvještaja iskazala transakcioni račun broj: 3381502289528827 kod Unicredit bank dd, koji je prema podacima iz Izvještaja o računima poslovnog subjekta kod Centralne banke BiH glavni račun stranke.

Kontrolom izvoda sa transakcionog računa broj: 3381502289528827, koje je stranka dostavila uz dodatnu dokumentaciju, utvrđeno je da je stranka na dan 01.01.2020. godine na transakcionom računu imala novčana sredstva u iznosu od 15,00 KM, da je priliv sredstava u toku 2020. godine iznosio 1.035,00 KM, odliv je iznosio 1.060,00 KM i da je saldo novčanih sredstava na dan 31.12.2020. godine⁴ bio negativan i iznosio je 10,00 KM.

Činjenica da je saldo na transakcionom računu broj 3381502289528827 kod Unicredit banke negativan ukazuje da je politička stranka na dan 31.12.2020. godine imala obavezu prema Unicredit banci u iznosu od 10,00 KM koju nije iskazala u obrascu 5 (obaveze političke partije), čime je prekršila odredbe člana 24. Pravilnika.

- Narodna stranka za Grahovo nije u obrascu 2 pravilno iskazala promet po transakcionom računu broj: 3381502289720402 kod Unicredit bank dd.

Stranka je u obrascu 2 iskazala početni saldo u iznosu od 15,00 KM, ukupan promet ulaza u iznosu od 520,00 KM, ukupan promet izlaza u iznosu od 545,00 KM i negativan saldo na dan 31.12.2020. godine u iznosu od 10,00 KM.

Međutim, Narodna stranka za Grahovo je uz prijavu za ovjeru političke stranke za učešće na Lokalnim izborima 2020. godine⁵ dostavila dokaz o uplaćenom novčanom iznosu takse za ovjeru na osnovu kojeg je utvrđeno da je stranka dana 03.07.2020. godine, sa transakcionog računa broj: 3381502289720402, izvršila plaćanje takse u iznosu od 2.000,00 KM. Stranka nije, u obrascu 2 godišnjeg finansijskog izvještaja, iskazala ni priliv niti odliv sredstava sa transakcionog računa u iznosu od 2.000,00 KM.

Stranka nije dostavila poslovne knjige i kopije izvoda sa ovog transakcionog računa, te nije moguće utvrditi tačan promet i saldo transakcionog računa broj: 3381502289720402.

Pored navedenog, uvidom u obrazac 2.1 (pregled stanja blagajne) godišnjeg finansijskog izvještaja utvrđeno je da je stranka iskazala početni saldo blagajne u iznosu od 15,00 KM, ukupne ulaze u blagajnu u iznosu od 520,00 KM, ukupne izlaze iz blagajne u iznosu od 545,00 KM i negativan saldo blagajne na dan 31.12.2020. godine u iznosu od 10,00 KM.

S obzirom da stranka nije dostavila poslovne knjige i da nije moguće utvrditi da li je ostvarila promet putem blagajne, ističemo da je stranka iste podatke iskazala i u obrascu 2-1 kao promet ostvaren putem transakcijskog računa broj: 3381502289720402.

(2) Uvidom u Godišnji obračun za 2020. godinu - Bilans uspjeha, utvrđeno je da je Narodna stranka za Grahovo u 2020. godini iskazala ukupne prihode u iznosu od 2.530,00 KM, dok je u godišnjem finansijskom izvještaju koji je stranka dostavila Centralnoj izbornoj komisiji Bosne i Hercegovine iskazala podatke o ukupnim prihodima u iznosu od 520,00 KM.

⁴ Podaci sa izvoda br.3 od 31.07.2020. godine koji je dostavljen kao posljednji izvod u 2020. godini.

⁵ Stranka nije učestvovala na Lokalnim izborima 2020. godine jer je prijava za ovjeru političke stranke za učešće na izborima odbačena.

Stranka je u godišnjem finansijskom izvještaju za 2020. godinu bila dužna iskazati sve prihode koje je ostvarila, što nije učinila, čime je prekršila odredbe člana 13. Pravilnika.

Isto tako, stranka je u Bilansu uspjeha iskazala ukupne rashode u iznosu od 2.553,00 KM, dok je u godišnjem finansijskom izvještaju koji je dostavila Centralnoj izbornoj komisiji Bosne i Hercegovine iskazala podatke o ukupnim rashodima u iznosu od 545,00 KM.

Stranka je u godišnjem finansijskom izvještaju za 2020. godinu bila dužna iskazati sve rashode koje je ostvarila, što nije učinila, čime je prekršila odredbe člana 21., 22. i 23. Pravilnika.

- (3) Dana 30.06.2021. godine, Centralna izborna komisija Bosne i Hercegovine je Narodnoj stranci za Grahovo uputila Zahtjev za dostavljanje dodatne dokumentacije za 2020. godinu, kojim je od stranke traženo da dostavi: dokumentaciju o korištenju poslovnih prostora u 2020. godini, akt kojim je propisana članarina, program utroška sredstava za 2020. i 2021. godinu i kopiju izvoda sa transakcionih računa stranke, broj: 3381502289720402 i 3381502289528827 kod UniCredit banke za period 01.01.-31.12.2020. godine.

U ostavljenom roku stranka nije dostavila traženu dokumentaciju te je Centralna izborna komisija Bosne i Hercegovine dana 17.11.2021. godine uputila Urgenciju za dostavljanje dodatne dokumentacije kojom je pored navedene dokumentacije zatražila i dostavljanje i Glavne knjige sa kompletnim analitičkim evidencijama stranke za period 01.01.-31.12.2020. godine.

S obzirom da nije dostavila Glavnu knjigu sa kompletnim analitičkim evidencijama stranke za period 01.01.-31.12.2020. godine i kopiju izvoda sa transakcijskog računa stranke, broj: 3381502289720402 kod UniCredit banke za period 01.01.-31.12.2020. godine, odnosno nije dostavila traženu dokumentaciju prekršila je odredbe člana 12. stav (5) Zakona o finansiranju političkih stranaka.

5.2. PREPORUKE

Preporučuje se Narodnoj stranci za Grahovo da se pridržava odredaba Zakona o finansiranju političkih stranaka, a posebno na osnovu uočenih nedostataka:

- *da svake godine donosi program utroška sredstava i isti dostavlja Centralnoj izbornoj komisiji Bosne i Hercegovine pravovremeno, te da novčana sredstva obezbijeđena za finansiranje stranke troši u skladu sa programom utroška sredstava,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da dostavlja dodatnu dokumentaciju koju Centralna izborna komisija BiH zatraži.*

KOMENTAR:

U ostavljenom roku, Narodna stranka za Grahovo nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2020. godinu.

Šef Odsjeka za revizijske poslove

Sanja Tošović

Revizor

Tanja Golijanin

Šef Službe za reviziju

Mr. sc. Hasida Gušić